

# Latinae comoediae ad discipulorum usum paratae

## Puer qui a ludo se abstinuit

### PUER QUI A LUDO SE ABSTINUIT.

Personae.

Sextus  
Quintus  
Marcus  
Pater.  
Mater.  
Fratres.  
Medicus.  
Ludi magister.  
Alii discipuli.

*SCAENA PRIMA. In villa Marci patris.*

*[Mater et pater ientaculum edunt.]*

*Pater.* Ubi sunt Quintus, et Sextus, et Marcus ?

*Mater.* Omnes excitavi. Venient mox ; immo vero iam veniunt. *[Quintus et Sextus intrant.]*

*Quintus .* Salve, mater ! Salve, pater !

*[Sextus calceos suos quaerit.]*

*Mater.* Patrem salvere iube, Sexte.

*Sextus.* Salve! Calceos meos invenire non possum.

*Mater.* O pessime, negligens es. Veni huc. o puer abominande! Collum non lavisti, comas non pexisti. Abi iterum ad cubiculum tuum et collum lava, comasque pecte. *[Exit Sextus.]*

*[Omnes ientaculum edunt. Quintus multum edit, et multum bibit.]*

*Quintus.* Da mihi, sis, mater, aliquantulum porcinae.

*Mater.* Nonne satis iam edisti, mi Quinte ? Non oportet te nimis edere. Si nimis edes, ex ventre laborabis.

*Quintus.* Nondum satis edi; etiam nunc esurio.

*Pater.* Satis non edisti, sceleratissime ! Iam tria ova et multum panis edisti. Non licet tibi plus edere.

*[Sextus iterum intrat.]*

*Sextus.* Marcus e lecto surgere nonvult. In lecto iacet, neque ad ludum ire volt.

*Pater.* Sed oportet eum statim surgere. Cur nondum surrexit ?

*Sextus.* Quia aegrotat, mi pater. Ex ventre, ex capite laborat.

*Quintus.* Nimis edit Marcus; nunc ex ventre laborat. Ego nimis non edam.

*Mater.* Tu, tamen, festina, Sexte. lentaculum non edisti, et mox ad ludum ire te oportebit. Accipe aliquantulum porcinae. *[Sextus porcina edit.]*

*Quintus.* Cur Sexto porcina das, mater? mihi non dedisti.

*Pater.* Tace! omnium avidissimus es. Tu iam tria ova edisti et nunc porcina edere vis.

*Mater.* Festinate! iam oportet vos ad ludum ire. Valet! ego ad Marcum ibo.

*Sextus.* ) Vale, mater! Vale, pater. Nos ad *Quintus.* ) ludum imus.

*SCAENA SECUNDA. In cubiculo Marci.*

*Mater.* Cur nondum e lecto surrexisti, Marce?

*Marcus.* O mater, aegrot! Ex capite, ex ventre laboro.

*Mater.* Linguam mihi monstra. *[Marcus linguam suam extendit.]* Sed rubra est lingua. Satis bene vales, non aegrotas. Oportet te ad ludum ire.

*Mater.* Si ex ventre laboras, non oportet te edere. Sed quid vis ?

*Marcus.* Ova, sis, et aliquantulum porcinae.

*Mater.* Babae! Porcina tibi non dabo. Pulverem adferam.

*[Exit mater.]*

*Marcus [Submissa voce].* O me miserum! pulverem non amo. Sed necesse est edere. Ad ludum hodie non ibo, quia pensum meum non feci. Ego in lecto iaceo; Sextus et Quintus in ludo sunt. Illi scribunt et recitant, iterum recitant, iterum scribunt. Ego in lecto iaceo et dormio.

*[Mater redit quae pulverem adfert.]*

*Mater.* Nunc, Marce, pulverem adfero. Medicum. arcessivi, qui mox veniet. Accipe

pultem.

*[Marcus pultem capit, et edere coepit.]*

*Marcus.* Hoc mihi non placet, mater. Nonne licet mihi ovum edere ?

*Mater.* Minime. Nihil nisi pultem tibi dabo. *[ianuam pulsat medicus.]* Intra!

*Medicus.* Salve, matrona ! Quis aegrotat ?

*Mater.* Salve tu quoque ! Hic mihi filius ex ventre laborat.

*Medicus.* Pueri semper ex ventre laborant. Nimis edunt, deinde ex ventre laborant. Manum mihi da, puerule ; pulsum sentiam. unus, duo, tres, quattuor, quinque, sex, septem, octo, novem, decem, undecim, duodecim, tredecim, quattuordecim, quindecim, sedecim, septemdecim, duodeviginti, undeviginti, viginti. Nunc linguam mihi monstra. *[Matri in aurem dicit]* Satis bene valet puer; non aegrotat. Sed ad ludum ire nonvult, itaque aegrum simulat. Amarissimum medicamentum ei dabo. *[Clara voce]* Vehementer aegrotat, sed bonum medicamentum ei dabo.

*Marcus.* Licetne mihi ova edere ?

*Medicus.* Minime vero. Nihil nisi pultem et medicamentum tibi dabo. *[Mater et medicus exeunt.]*

*Marcus.* Ego medicamentum non bibam. Per fenestram effugiam.

*[Celeriter e lecto surgit, vestes induit, per fenestram exit.]*

SCAENA TERTIA. In ludo.

*[Discipuli in sellis sedent: intrat magister.]* Discipuli. Salve, magister!

*Magister.* Salvete discipuli! Adsuntne omnes?

*Quintus.* Marcus, qui aegrotat, abest. Ex ventre laborat.

*Magister.* Ille semper aegrotat,—vel aegrum simulat. Is qui semper abest nihil potest discere. Tu, Quinte, multo eris sapientior quam frater tuus. Nunc animum attendite omnes, et libros aperite !

*[Sextus per fenestram spectat.]* Quem oportet recitare?

*Decimus.* Licetne mihi, magister?

*Quintus (Interpellans).* Tu heri recitavisti. Hodie me oportet recitare.

*Magister.* Puero qui interpellat recitare non licet.

*Sextus.* O magister...

*Magister.* Noli interpellare, Sexte ! Manlius recitare coepit.

*[Sextus iterum per fenestram spectat.]*

*Manlius [E libro recitans]* Olim homo quidam in horto suo sedebat...

*Sextus. [Interpellans]* In horto tuo...

*Magister.* Tace, Sexte! Non est "in horto tuo" Specta librum! Est "in horto suo."

*Manlius. [Pergens]* Qui vinum bibebat, cibumque edebat...

*Sextus. [Interpellans]* Nunc edit...

*Magister. [Severa voce]* Non nunc edit. Olim edebat. Tu animum non attendis, sed per fenestram spectas. Librum specta, et noli iterum interpellare. Si iterum interpellabis, te virgis caedam. Perge recitare, Manli!

*Manlius.* In mensa erant ova, panis...

*Magister.* Desiste ! Sextus animum non attendit.

*Sextus.* Sed, magister...

*Magister.* Tace, improbissime ! Vocem tuam audire non volo. Animum attende. Perge, Manli!

*[Sextus chartam capit et scribit.] Manlius.* In mensa erant ova, panis, uvae...

*Magister.* Satis ! Improbissimus ille Sextus scribit. Da mihi, Sexte, id quod scripsisti.

*[Sextus chartam magistro dat.] Magister. [Recitans]* " Magister mala sus est." O puerum abominandum, improbissimum, sceleratissimum...

*Sextus.* Sed hoc non scripsi, magister.

*Magister.* Omnium mendacissimus es! Meis ipse oculis te scribentem vidi.

*Sextus.* Ita, magister. Scribebam ; sed non " mala " scripsi, sed " mala." Et verbum " est " breviter scripsi pro " edit." Nihil mihi dicere licebat, et per fenestram porcum vidi mala tua edentem.

*[Omnes ad fenestras ruunt.]*

*Magister.* Sedete omnes!

*[Omnes iterum sedent, et Sextus dicere pergit.]*

*Sextus.* Temptavi tibi dicere, sed tu semper, " Noli interpellare," exclamabas.

Scripsi igitur, quia loqui mihi non licuit.

*Magister.* Num re vera in horto porcus poma mea edit?

*Sextus.* Immo vero omnia iam edit.

*Magister.* Cur non antea mihi dixisti, stulte ? o me miserum ! Plus docere hodie non possum. Licet vobis abire. Hodie discere non necesse est. Ego porcum comprehendere temptabo.

*[Exit. Pueri exire coeperunt.]*

*Sextus.* o beatum me! Hodie non discam, sed ludam. Marcus in lecto iacet; ego curro, ego salto!

*Quintus.* Me quoque beatum ! Marcus pulstem edet, ego crustula edam.

*Sextus.* o miserrimum Marcum ! Ille medicamentum bibit; nos porcum vidimus mala magistri edentem!

*Quintus.* Medicus linguam Marci spectat.

*Manlius.* Nos triumphum spectabimus.

*Decimus.* Quem triumphum dicis?

*Manlius.* Nonne audivisti? Post meridiem Britannos in triumpho ducet Iulius Caesar. Britannos vicit, et hodie erit triumphus.

*Omnes.* Euge ! Euge ! Ad triumphum ibimus.

*[Exeunt omnes.]*

SCAENA QUARTA. In Via Sacra.

*[Spectatores pompam spectant.]*

*Sextus.* Ut multi sunt milites ! Io triumphe!

*Quintus.* Specta gladios ! Specta pila !

*[Tubicines "taratantara" dicunt.]*

*Decimus.* Tubicines audio. io triumphe!

*Spectatores.* io triumphe! io triumphe!

*Quintus.* Optima est pompa. Ecce! videsne animalia ista?

*Manlius.* Elephanti sunt. Elefantos antea non vidi. o beatum me! io triumphe!

*Sextus* Et signa militum specta! Videsne tu, *Quinte* ? Non vides. Spectatores spectas; noli illos spectare ; pompam specta ! Cur spectatores spectas?

*Quintus*. Quia Marcum video.

*Sextus*. Marcum non vides. Ille in lecto iacet.

*Quintus*. Video eum. Ecce ! nonne tu vides ?

*Sextus*. Ubi est?

*Quintus*. Specta! In summo muro sedet.

*Manlius*. A ludo se abstinuit. Non aegrotabat. Magister eum virgis caedet.

*Sextus*. Eum video. [*Clamans*] Marce, veni huc!

*Marcus*. Minime vero. Ad me venite ! Optimus est locus. Bene videre possum.

[*Omnes ad Marcum eunt*].

*Sextus*. Quomodo huc venisti?

*Quintus*. Non aegrotavisti. Aegrum simulavisti, et te a ludo abstinuisti.

*Marcus*. Ita vero. Ad ludum ire nolui, quia pensum meum non feceram. Sed pessimus ille medicus malum medicamentum mihi dedit, quod bibere nolebam. Itaque per fenestram effugi.

*Spectatores*. io triumphe! io triumphe!

*Quintus*. Magister te virgis caedet.

*Marcus*. Nihil curo. Pompam spectate.

*Spectatores*. io triumphe! io triumphe!

*Decimus*. Videtisne Britannos? Abominandi sunt omnes ! Ecce! ova putida habeo. In Britannos *Manlius*. *Marcus*. iaciam. *Quintus*. ] *Sextus*. [ Da mihi! Da mihi! *Manlius*. ) [Omnes in Britannos ova iaciunt.] *Manlius*. Bene ! Caput Britanni cuiusdam percusi!. *Marcus*. Macte virtute ! Ovo meo oculum dextrum Britannici ducis percusi!. Habet! Habet! *Spectatores*. io triumphe ! io triumphe ! *Sextus*. Cave, Marce ! Ludi magistrum video. *Marcus*. O me miserum ! Ego effugiam. [*De muro descendit, sed magister eum videt.*] *Magister*. Te video, Marce! Veni huc!

[*Marcum comprehendit magister.*]

Abominande puerule ! A ludo te abstinuisti. Nunc autem ad ludum redibimus, et virgis te caedam.

*Marcus.* O parce, magister, parce mihi!

*Spectatores.* io triumphe! io triumphe!

*[Magister Marcum abducit.]*

*Marcus.* O magister, videsne porcum istum ? Ut magnus est!

*Magister.* Porcum dicis ? Ubi est ?

*[Grunnit porcus.]*

*Marcus.* Ecce! Specta!

*Magister.* Video eum. Curre, Marce, celeriter. Porcum comprehendere tempta. Si porcum comprehendere poteris, tibi parcam.

*[Marcus celeriter currit, et porcum comprehendit quem ad magistrum ducit.]*

*Marcus.* Ecce! magister. Porcum comprehendi. Nunc oportet te mihi parcere, ut promisisti.

*[Grunnit porcus.]*

*Magister.* Tibi parcam, optime. Porcum mihi da !

*[Magister porcum abducit; Marcus ad pompam redit.]*

*Spectatores.* io triumphe! io triumphe!

FINIS.